

ԳԻԾԵՐԱՅԻՆ ԵՐԳ

ԼԵՒՈՐ ՄԱՆՈՒԷԼԵԱՆՅԻ

I

Խորին գիշեր էր, և արաբ աշխարհ
Ծածկած էր անդորր, լրուիկ խաւարով,
Եւ խաղաղ քընում նիրհում էր անտառ,
Ուժասպառ անտառն, հանգիստ անվըրդով:
Յանկարծ հեռու անտառային խորքերից
Լըռութեան մէջ բըլբուլի ձայն բարձրացաւ,
Շեշտակի ձայն, մի գայլալիկ ոգելից,
Եւ էլ իսկոյն մարեցաւ:
Նորից հընչեց... Ինչպէս վըտակ կարկաջուն,
Գեղգեղելով թափւում էին հընչիւններն,
Որ գիւթելով շարժում էին իմ հոգում
Բոլոր գողգոջ իւր լարերն:

Բայց ահա զարմանք: Նոյ, որի վերան
Բախտի արեւ է մըշտապէս փայլել,
Որ արթուն թէ քուն՝ ծաղկաբոյր գարնան
Վարդեայ փընջեր է միմիայն տեսել,
Այնպէս էր կարծում թէ սիրահարած
Բըլբուլիկն է այն սիրուհու գըրկում
Մոռացած աշխարհ, անհոգ, ըզմայլած
Երջանիկ սիրոյ երգեր նըւագում:

Բայց նա...

Նա, որի վերայ խըռոված աշխարհ
 Միշտ անհաշտ և խեթ աչքով է նայել,
 Որ մըշտահալած, միայնակ, թըշառ
 Պայծառ, երջանիկ մի օր չէ տեսել,
 Մըրմընջում էր նա.
 Ո՛չ, ո՛չ, երգ չէ այն. այլ կոծ, հեկեկանք.
 Լըքեալ սոխակը ողբում է նորան,
 Որից լետ այլ և՛ չունի գին իւր կեանք,
 Որից զըրկւած է այժմ լաւիտեան:
 Ո՛չ. սիրոյ ձայնը չէ՛ր կարող հընչել
 Այնքան տըխրագին,
 Սիրոյ նըւագից չէր կարող լըցւել
 Այսպէս իմ հոգին...

Մոսկւա, 1888 թ. հոկտեմբերի 2.

II

Երևացիր, օ՛ մուսա, և իմ պաղած արիւնն
 Դու ջերմացրո՛ւ կըրկին քո երկնային շընչով.
 Այս իմ մըթին և նեղ և աղքատիկ անկիւնն
 Լուսաւորէր դարձեալ պայծառ ու ջերմ լուսով:
 Թո՛ղ ես ըզգամ դարձեալ, որ դեռ տարում եմ ես,
 Որ էլ թըմրում չեմ ես, ինչպէս դալուկ մի բոյս
 Մի գետնափոր խրցում... օ՛ աղաչում եմ ես
 Ինձ սղարկէր, օ՛ մուսա, հուր, եռանդ, վառ յոյս:
 Ինձ վերըստին զինիր ճըշմարտութեան խօսքով
 Եւ հընոցի միջով դու անցկացրու նորան.
 Թո՛ղ իմ բարբառն դառնայ, ինչպէս նիզակ, կորով,
 Սրդարութեան համար երկաթապատ վահան:

Նորից խօսս կեանքում, — և խառնեցին կրկին
 Անմեղութիւն, կեղծիք, բարի և չար տարրեր.
 Եւ կըրքերի ուժեղ, գոռ յորձանքի միջին
 Շըփոթեցին դարձեալ հառաչ և լիշոցներ...
 Թո՛ղ դիմակներն նեխած և փառամոլ մարդկանց
 Ես պատառեմ ձըգեմ ժողովըրդի աչքին,
 Որ նա դատէ նոցա և դըրոշմով տնանց
 Անարգ սև մուր կընքէ նոցա զազիր դէմքին:
 Թո՛ղ բարձրսձայն գոչեմ — և արձագանք ինձ տան
 Երիտասարդ, տգնիւ, առողջ ու թարմ ուժեր.
 Դատաւորի ձայնով նոքա վըճիռ կարդան,
 Եւ սարսափեն դըժուծ և փառամոլ սըրտեր...
 Դէ, շո՛ւտ արա, օ՛ մոհա, թըռիւր դէպ ինձ շուտով
 Եւ իմ հոգին վառիւր դու երկնային կալծով: